



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmæ Virtvtvm, Ac Vitiorvm , Tomus ...

Guilelmus <Peraldu>

Lvgdvni, 1585

Reverendissimi Ac Eximii Sacrae Theologiae professoris Giulielmi Peraldi
Episcopi Lugdunensis, ex sacro Ordine Prædicatorum, in Tomum primum,
qui Svmma Virtvtvm appellatur, Prologvs.

[urn:nbn:de:hbz:466:1-46132](https://nbn-resolving.org/urn:nbn:de:hbz:466:1-46132)

REVERENDISSIMI AC

EXIMII SACRAE THEOLO-

gia professoris Gulielmi Peraldi Episcopi

Lugdunensis, ex sacro Ordine Prædicatorum, in Tomum primum, qui

SVMMA VIRTVTVM

appellatur,

PROLOGVS.



Vm circa vtilia studere debeamus, exemplo Salomonis dicentis: Cogitavi in corde meo abstrahere à vino carnem meam, vt animam meam trãfferem ad Sapientiã, deuitaremque stultitiam, donec vederem quid esset vtile filiis hominum. Eccl.

2. Vtilia etiam docere debeamus, exemplo Domini, dicentis Esaiã 48. Ego Dominus Deus tuus, docens te vtilia. Virtutibus verò nihil sit vtilius in hac vita hominibus. Sapien. 8. Circa virtutes specialiter versari debet studium & doctrinã, præcipue cum sine studio & doctrinã virtus vix vel nunquam haberi possit. Senec. Virtus sine studio sui esse non potest. Bernard. Primum opus virtutis est doceri. Virtus cum humilitate vult doceri, cum labore quæri, cum amore haberi: nec aliter vel doceri, vel quæri, vel haberi potest. Item Senec. Cito nequitia surripit: difficile virtus inuenta est, duçem rectoremque desiderat: sine magistro vitia discuntur. Idem. Erubescimus discere, bonam mentem: & turpe est huius rei quæreæ magistrum: desperandum est posse casu tantum bonum nobis insinere: præcipua pars Philosophiæ est, quæ circa virtutes versatur, studiosis minimè negligenda. Vnde Senec. dicit Philosophiam studium esse Virtutis. Ided ego minimus de ordine fratrum Prædicatorum desideravi colligere aliqua, quæ diffusè in scripturis inveniuntur de Virtutibus. Quod cum dissuaderet mihi ingenij paruitas, & materiæ difficultas (materias enim grandes ingenia parua non sustinent, vt ait Hieronymus) prævaluit Superioris authoritas, qui hoc onus mihi iniunxit: cui non ausus fui contradicere, sciens quòd omnis potestas à Deo est: & qui potestati

PRIMA

stati resistit, Dei ordinationi resistit. Rom. 13. Et in memoria habens illud verbum Salvatoris Luc. 10. Qui vos audit, me audit, verbum à ministro eius dictum habui, ac si de cœlo sonuisset. Fiduciam ergo habes in Deo quòd vellet mihi ministrare quod per ministrum suum à me dignabatur exigere: cum tamen sciret me nisi ab ipso hæc habere non posse. Incaustum enim laborat in doctrina virtutum, qui aliunde eam sperandam putat, quàm à Domino virtutum, ad gloriam Domini nostri Iesu Christi, qui est Virtus & sapientia Dei Patris: ausus sum aggredi Tractatum Virtutum, ad utilitatem humilium. Superbi enim dimittendi sunt sibi: quia separatim est conuiuium eorum. Osee 4. Deditur enim sedere ad communem mensam cum aliis, scripta communia contemnentibus. Unde eo ipso quòd aliqua scriptura humilibus publicatur, superbis absconditur. Facies enim eorum nimis inflata non sinit eos videre quæ ab aliis videntur. Matt. 11. Abscondisti hæc sapientibus & prudentibus, & reuelasti ea paruulis. Superbi erubescunt aliquid dicere, ex quo semel dictum est: cum tamen dicat Seneca quòd nunquam nimis dicitur quòd satis non dicitur, quibusdam remedia demonstranda, quibusdam inculcanda sunt. Greg. Oportet sæpe reminisci quòd modus cogit obliuisci. ¶ Superbi nolunt aliquid dicere, postquam bene illud sciunt: cum tamen Socrates inquirenti cuiusdam quomodo posset optimè dicere, dixit: Si nihil dixeris, nisi quòd bene scieris. Augustin. in lib. de Utilitate credendi: Miseri homines quibus cognita vilescunt, & nouitatibus gaudent: libentius discunt, quum norunt, cum cognitio sit finis discendi: malunt vesci, quàm saturari, cum finis voluptatis sit nec esurire, nec sitire. ¶ Nec de solis scripturis sacris testimonia volui assumere in opere isto: sed etiam de scripturis Philosophorum, iuxta verbum Senecæ. In aliena castra transiens non tanquam trās fuga, sed tanquam explorator. Nec hoc reprehensibiliter. Sicut enim dicit August. in lib. de Doctr. Christiana: Si Philosophi aliqua fortè vera & fidei nostræ accommoda dixerunt, non solum formidanda non sunt, sed etiam ab eis tanquam ab iniustis possessoribus in usum nostrum vendicanda. Et Exo. Aegyptij ab Hebræis præcepto Domini spoliantur. In principio verò operis, de Virtute in communi aliqua tangere volui. Secundò prosequemur de tribus virtutibus Theologicis. Terriò de quatuor Cardinalibus. Quartò de donis. Quintò de beatitudinibus.

P R O L O G I FINIS.

PRIMA